



Broj: A-III-37/22-IV

Sarajevo, 25.05.2022. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav 1. tačka b), člana 25., 70. 71. i 98. Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke usluga „Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo“, date u Zapisniku broj: A-III-37/22–III od 24.05.2022. godine, Glavna kantonalna tužiteljica donosi:

O D L U K U

**o izboru najpovoljnijeg ponuđača i dodjeli ugovora za nabavku usluga:
„Nabavka usluga čišćenja poslovnih prostorija u zgradi Kantonalnog tužilaštva
Kantona Sarajevo“**

I

Prihvata se preporuka Komisije za javne nabavke i Ugovor o javnoj nabavci usluga: „Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo“ dodjeljuje se najpovoljnijem ponuđaču: **„Global Technical Services” d.o.o. Sarajevo, ul. Zahira Panjete 7F, Sarajevo,** a prema ponudi broj: 095/22 od 09.05.2022. godine, s ukupnom vrijednošću ponude u iznosu od **83.410,27 KM bez PDV-a, odnosno 97.590,02 KM sa PDV-om,** kao najpovoljnijem ponuđaču.

II

Nakon isteka roka od 15 dana od dana kad su ponuđači obaviješteni o izboru najpovoljnijeg ponuđača, sa izabranim ponuđačem zaključit će se Ugovor u trajanju od dvije godine dana, počev od dana obostranog potpisivanja istog, kojim će se regulisati međusobna prava i obaveze vezano za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. ZJN.

Obrazloženje

Na osnovu Odluke o pokretanju postupka javne nabavke broj: A-III-37/22 od 18.04.2022. godine i Obavještenja o nabavci broj: 274-1-2-49-3-6/22 od 26.04.2022. godine, objavljenog na Portalu javnih nabavki, pokrenut je postupak javne nabavke usluga „**Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo**“, procijenjene vrijednosti 90.000,00 KM bez PDV-a, putem otvorenog postupka javne nabavke. Ugovorni organ je predvidio sklapanje Ugovora na period od dvije (2) godine od dana početka primjene Ugovora.

Kriterij za dodjelu Ugovora, shodno odredbama člana 64. ZJN je „najniža cijena tehnički zadovoljavajuće ponude“.

Za predmetnu nabavku, tekst tenderske dokumentacije otvorenog postupka javne nabavke, ponuđači su mogli preuzeti samo putem Portala javnih nabavki.

Zahtjev za pojašnjenje tenderske dokumentacije u predmetnom postupku javne nabavke, u skladu sa tačkom 6.2. TD, u zakonskom roku putem portala JN je postavio ponuđač „ECOTIME“ d.o.o. Sarajevo, dana 29.04.2022. godine u 09.31 sati i isto se odnosilo na davanje informacija o ukupnom broju zaposlenih u Kantonalnom tužilaštvu Kantona Sarajevo i na zahtjev za povećanje procijenjene vrijednosti postupka javne nabavke. Ugovorni organ je takođe putem Portala JN dostavio traženo pojašnjenje dana 04.05.2022. godine, koje je bilo dostupno svim zainteresovanim ponuđačima.

Rok za prijem ponuda je bio 12.05.2022. godine u 11:00 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu Komisija), je dana 12.05.2022. godine u 11,15 sati, u prostorijama Ugovornog organa, izvršila javno otvaranje ponuda i sačinila Zapisnik o otvaranju ponuda. Zapisnik sa otvaranja ponuda dostavljen je svim ponuđačima koji su predali svoje ponude, u zakonskom roku, u skladu sa članom 63. stav 6. ZJN. Javnom otvaranju ponuda nije bilo prisutanih predstavnika ponuđača. Komisija je konstatovala da je blagovremeno zaprimljeno pet (5) ponuda.

U skladu sa Pravilnikom o uslovima i načinu korištenja e-aukcije (Službeni glasnik BiH broj: 66/16), u postupku dodjele Ugovora, ugovorni organ je predvidio provođenje E-aukcije. Predmetni postupak se provodi u informacionom sistemu Agencije za javne nabavke E-nabavke i predstavlja način provođenja dijela postupka javne nabavke, koji uključuje podnošenje novih cijena, zamijenjenih naniže.

Nakon otvaranja ponuda, Komisija je izvršila pregled i ocjenu prispijelih ponuda, te sačinila Zapisnik o pregledu i ocjeni ponuda broj: A-III-37/22–III od 24.05.2022. godine, koji je sastavni dio ove Odluke, i u kome je konstatovala sljedeće:

Komisija konstatuje da je u skladu sa tačkom 10.5. TD izvršila provjeru računskih ispravnosti ponuda, te da nijedna ponuda nije imala računskih grešaka.

Komisija je konstatovala da su ponude ponuđača „ISS“ d.o.o. Široki Brijeg, „A&M“ Company d.o.o. Sarajevo i „Global Technical Services“ d.o.o. Sarajevo prihvatljive prema obliku, sadržaju, potpunosti i sposobnosti obavljanja tehničke i profesionalne sposobnosti, dok su ponude ponuđača „KONIS“ d.o.o. Sarajevo i „Atalian Global Services BH“ d.o.o. Sarajevo, neprihvatljive iz sljedećih razloga:

- ❖ **Ponuda ponuđača „KONIS“ d.o.o. Sarajevo,** nije zadovoljila formalno-pravne uslove u pogledu uslova za učešće iz tačke 9.7. tenderske dokumentacije- **period važenja ponude.**

Tenderskom dokumentacijom propisano je da ponude moraju važiti **devedeset (90) dana**, računajući od isteka roka za podnošenje ponuda. Period važenja ponude ne može biti kraći od devedeset (90) dana, računajući od isteka roka za podnošenje ponuda.

Ponudač "KONIS" d.o.o Sarajevo je u Aneksu 2. – dio IZJAVA PONUĐAČA u tački 3. naveo da ponuda važi do 26.07.2022. godine. Iako je slovima naveo 90 dana, kao validan rok važenja ponude upisao je datum 26.07.2022. godine, a što iznosi 75 dana, računajući od isteka roka za prijem ponuda.

U tački 9.6.2. Tenderske dokumentacije decidno je propisan rok za dostavljanje ponuda 12.05.2022. godine do 11.00 sati.

Dakle, računajući od 12.05.2022. godine kada je bio rok isteka prijema ponuda, rok važenja ponude trebao je da bude minimum do 10.08.2022. godine, a ne 26.07.2022. godine, kako je ponudač naveo u svojoj Izjavi -ponudi.

Shodno navedenom, Komisija je odbacila ponudu ponuđača "KONIS" d.o.o. Sarajevo, kao formalno - pravno i tehnički neprihvatljivu i istu dalje nije razmatrala.

❖ Ponuda ponuđača "Atalian Global Services BH" d.o.o. Sarajevo, nije zadovoljila formalno-pravne uslove u pogledu uslova za učešće - zahtjevi u vezi sa dostavljanjem ponude, zahtijevani u tački 9.1.5. Tenderske dokumentacije.

Naime, u tenderskoj dokumentaciji u tački 9.1.5. tačno je preciziran način vršenja ispravki u ponudi. Dakle, „ispravke u ponudi moraju biti izrađene na način da su vidljive i potvrđene potpisom ovlaštenog lica ponuđača, uz navođenje datuma ispravke, odnosno ispravke moraju biti vidljive, ne smiju se raditi korektorom, korekturnom trakom i drugim korektivnim priborom. Ispravke vršiti na sljedeći način: neizbrisivom tintom, jednom linijom precrtati broj ili tekst koji se ispravlja, pored koga izvršiti novi upis, potpis ovlaštenog lica ponuđača i datum ispravke (npr. ~~29,81~~ - novi upis 29,18; potpis ovlaštenog lica ponuđača i datum ispravke; ili ~~ispravka~~ novi upis ispravka, potpis ovlaštenog lica ponuđača i datum ispravke), u suprotnom ponuda će biti odbijena".

Takođe je u tački 9.1.5. tenderske dokumentacije navedeno: "Sve strane ponude moraju biti numerisane na način da je vidljiv redni broj stranice ili lista, u skladu s članom 8. stava (6) i (7) Uputstva za pripremu modela tenderske dokumentacije i ponude („Službeni glasnik BiH“, broj 90/14 i 20/15)."

Ponuđač "Atalian Global Services BH" d.o.o. Sarajevo, je izvršio numerisanje stranica /listova ponude na način da brojevi nisu jasno vidljivi, jer je vršio prepravke istih jedne preko drugih.

Ponuđač "Atalian Global Services BH" d.o.o. Sarajevo, ispravke greške u brojevima numerisanja stranica ponude nije izvršio na način kako je to propisano u tenderskoj dokumentaciji. Naime, redne brojeve stranica cijele ponude ispravljao je prepravljanjem brojeva jednog preko drugog, bez da je iste prethodno precrtao linijom i nanovo napisao tačan upis broja. Takođe, pored potpisa ovlaštene osobe, nije upisao datum ispravke rednog broja, kako je propisano TD.

Shodno navedenom, Komisija je odbacila ponudu ponuđača "Atalian Global Services BH" d.o.o. Sarajevo kao formalno - pravno i tehnički neprihvatljivu i istu dalje nije razmatrala.

Polazeći od gore navedenih konstatacija i činjenice da su tri (3) blagovremeno pristigle ponude prihvatljive za ugovorni organ, s obzirom da ispunjavaju uslove iz tenderske dokumentacije otvorenog postupka i zadovoljavaju uslove zahtijevane u tehničkoj specifikaciji Obrasca Tehnička specifikacija – Aneks 3. i Obrasca za cijenu ponude – usluge – Aneks 4., Komisija je pristupila vrednovanju prihvatljivih ponuda, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku usluga: „**Nabavka usluga čišćenja poslovnih prostorija u zgradi Kantonalnog tužilaštva Kantona Sarajevo**“, prije održavanja e-aukcije sljedeći:

R.B.	Naziv ponuđača	Vrijednost inicijalne ponude bez PDV-a
1.	“Global Technical Services” d.o.o. Sarajevo, ul. Zahira Panjete 7F, Sarajevo – broj ponude: 095/22	89.738,64 KM
2.	“ISS” d.o.o. Široki Brijeg, ul. Pribinovići –Mokro bb, Široki Brijeg- broj ponude: 135/22	90.000,00 KM
3.	“A&M” company” d.o.o. Sarajevo, ul. Vilsonovo šetalište 10, Sarajevo - broj ponude: 44/22	108.774,24 KM

Komisija je nastavila s radom dana 24.05.2022. godine, nakon održane e-aukcije, koja je bila zakazana za dan 24.05.2022. godine, s početkom u 10:00:00 sati i trajala je do 10:16:00 sati.

Shodno izvještaju o toku i završetku E-aukcije, kreiranog od strane AJN, rang lista prihvatljivih ponuda nakon e-aukcije je:

R.B.	Naziv ponuđača	Vrijednost konačne ponude bez PDV-a
1.	“Global Technical Services” d.o.o. Sarajevo, ul. Zahira Panjete 7F, Sarajevo – broj ponude: 095/22	83.410,27 KM
2.	“A&M” company” d.o.o. Sarajevo, ul. Vilsonovo šetalište 10, Sarajevo - broj ponude: 44/22	83.500,00 KM
3.	“ISS” d.o.o. Široki Brijeg, ul. Pribinovići –Mokro bb, Široki Brijeg- broj ponude: 135/22	87.000,00 KM

Kao prvorangirana najpovoljnija ponuda, prema kriteriju „najniža cijena”, je ponuda izabranog ponuđača “Global Technical Services” d.o.o. Sarajevo, ul. Zahira Panjete 7F, Sarajevo, s ponuđenom cijenom 83.410,27 KM bez PDV-a, odnosno 97.590,02 KM sa PDV-om.

Cijeneći naprijed navedeno, primjenom člana 64. stav 1. tačka b) ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.



Dostavljeno:
- Ponuđači x 5,
- Komisija,
- a/a.